

عاشر واقف اقبالي يستقبل ضعته
ردينه بلا والي وين اللي كفلنه
ردت من أسرها من يجبر كسرهما

اشكر مليان	شحيلىك يخويه قلبى مالوم
والم لحزان	يبو اسكينه شوصفلك هلهوموم
من الوجدان	صفحات القلب مفتوحه هاليوم
ابثقل لشجان	مزحوم القلب غصات ومكلوم
بعد لخوان	آهات السبي بحشاي ولدموم
زلم طغيان	آذوني اضربوني خويه هالقوم

ردينه يبو سكينه عذبني غيابي
قبرك خويه چا وينه ما يبرد مصابي

من بانت أرضها عاشر ينتظرها

يون مكسور	عاشر يسعر ابقلبي المحزون
جمر منشور	والمدمع حفر سيله بلجفون
جمى لخدور	مخطوف القلب يحرس هلضعون
يشع النور	راسك عالرمح متألّمه لعيون
ظليمه وجور	هالمنظر عليّه قاسي ميهون
أذى لشورور	تدري اعداك خويه ما يرحمون

شاجر قلبى اونينه من فعل الضبابى
خلصن عمري اسنينه ولا خلّص عتابى

يتألّم صبرها ما تنسى سفرها

عاشر واقف اقبالي يستقبل ضعته
ردينه بلا والي وين اللي كفلنه
ردت من أسرها من يجبر كسرهما

لزماني النوح	جناحيني كسيره ابلا حمانه
غدا مذبح	جناح اللي يظللني بحنانه
وسف مجروح	وجناح اللي كفلني ابأمانه
مثل لصروح	أبو اليمه وأبو فاضل ضمانه
حياة الروح	دلالي وخدري بخواني مصانه
ودمع مسفوح	بعدهم أنسبي ابذله ومهانه

من يرحم دليلي	أنادي ابحرقة افادي
نهاري ينعي ليلي	يخويه مهجة الهادي

محتاره ابأمرها بمصيبة دهرها

قسّت ليام	لعند قبرك يخويه أحني لضلوع
بذى الظلام	بهضني هالحمل واقلبي مفجوع
اشكتر لالام	بعد عاشر أبد ما سگن الروع
براضي الشام	رقيه ودّعتنه ابحال مفزوع
ابجرح لیتام	وعلى خوله تحسّر قلبي موجوع
يبن لكرام	على قبرك سواجم تجري لدموع

بلا حسين وكفيلي	صعبه أرجع إلطيبه
ثواكل تبجي حولي	كسيره أحمل امصيبه

عاشر ما تركها شايح ابعمرها
